

## An cailín Gaelach Grace Toland

B'áite liom féin a 'bheith ar mhalai shléibhe  
's cailín gaelach a bheith 'mo chomhair  
Bheinn da bréagadh 's a' teannadh léithe  
's dar liom féin a rún gur dheas ar ndóigh.

Ag éirí domh féin ar maidin an lae ghil  
Is mé gabhail fá'n choill chraobhaigh is mé seoladh bó  
Tharlaigh domh spéirbhean ina suí ar a léana  
's a fallaing léithi 's í lán de cnón.

D'fhiafraigh mé díthe go ciúin 's go ceillí  
An nglacfaidh tú póg uaim a stór mo chroí?  
D'oscail sí a béilín 's labhair sí Bearla  
'S é dúirt sí pray sir and let me be.

Nach maith an airí ar na buaibh á santú  
's bheinnse da seoladh amuigh sa lá  
Im agus bainne iad ar theacht a' tSamhraidh  
Is mar gheall ar bhólacht a phóstar mná.